


ՆԱՍԱԿ ԱՂՔԱՏՆԵՐՈՒ ՄԵԻԹԱՐՈՒԹԵԱՆ ՄԱՍԻՆ

Արդ՝ դուն, որ չփառք ես եւ աղփատ, ի՞նչու Աստուծոյ մասին անդադար բանք կ'ըսես: Աստուած իրեն պատկանող որեւէ բանէ զրկե՞ց քեզ: Եղբայրներու նման հարուստին եւ աղփատին հաւասարաբէս չբաժնե՞ց նոյն աչքերը, նոյն ձեռքերը եւ նոյն ոտքերը: Հաւասարապէս կը վայելենք արեւը, օդը եւ անձրեւը: Բոլորս ալ յառաջ եկած ենք հողէն եւ Ադամէն: Բոլորին համար կայ միայն մէկ մկրտութիւն, մէկ շնորհք, մէկ մարմին ու արիւն Քրիստոսի: Բոլորիս համար կայ մէկ երկիր, մէկ երկիրն է մէկ տիեզերական նիւթ: Ահաւասիկ աստե՛նք են Աստուծոյ բարիքները, որ Ան հաւասարապէս տուաւ թէ՛ աղփատին եւ թէ՛ գորաւորին: Ուրեմն, ի՞նչ բանէ զրկեց քեզ եւ կողմնակալութիւն ըրաւ ի նպաստ հարուստներու: Գիտե՛մ, որ այս մասին ոչինչ ունիս ըսելիք, այսուհանդերձ կ'ըսես. «Ո՞րքե՛տ անոր այսքան հարստութիւն»: Լաւ հասկցիր, Աստուած չէ, որ իրեն բերաւ, ցոյց տուաւ կամ շնորհեց այդ հարստութիւնը եւ քեզ զրկեց: Ոմանց հարստութիւնը գոյացաւ ազահութեամբ, ոմանցը՝ յարատեւ աշխատանքով, իսկ այլոցը՝ հօրենական ժառանգութեամբ:

(Ճառեր՝ Յովհան Մանդակունի)

ՍՐԲԱՆՈՅՍ ՄԻՐՈՆԸ




Մի ոռնու ած Մանու կը

Մկրտութեան պահուն միւռոնաբոյր ջուրով կը մկրտուի մանուկին մարմինը, իսկ դրոշմի պահուն միւռոնով կը մկրտուի ու իր վերածնունդը կ'ապրի մանուկին հոգին: Եւ հետեւաբար, միւռոնը հոգեթափանց զօրութիւն է եւ ուստի միւռոնադրոշմը հոգիի մկրտութիւնն իսկ է:

Երբ հայ մանուկին ճակատը կը միւռոնուի, անոր մէջ կը վերականգնի պատկերը անպատկեր Աստուծոյ ու կը դառնայ քրիստոսապատկեր ու քրիստոսապատկան:

Երբ հայ մանուկին աչքերը կը միւռոնուին, անոնք անտեսանելի Աստուծոյ փառքը տեսնելու կարողութեամբ կ'օժտուին, երեւելի այս աշխարհէն անդին՝ աներեւելի աշխարհը տեսնելու ատակութեամբ կը զարդարուին:

Շարունակելի



ԲՈՒ ԽՈՍՔԻ ԽՆ ՌՅԵՐՈՒՄ ԵՐԱԳ Է ՈՒ ԽՆ ՇԱԽՂՆԵՐՈՒՄ ԼՈՅՍ (ՍՀ.119.105)

ԺԵ. ՏԱՐԻ

ԿԻՐԱԿԻ, 24 ՅՈՒՆԻՍ 2022

ԹԻՒ 30

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆԱԿԱՆ ԸՆԹԵՐՅՈՒՄՆԵՐ

Իմաստ. 7.25-8.4: Չք. 14.16-21: Ա. Յի. 1.1-7: Մտ. 16.13-17.13:

ՏՕՆ ՊԱՅԾԱՌԱԿԵՐՊՈՒԹԵԱՆ ՏԵԱՌՆ ՄԵՐՈՅ ՅԻՍՈՒՍԻ ԶՐԻՍՈՍԻ (ՆԱԵՒ ԿՈՉԻ՝ ԱՅԼԱԿԵՐՊՈՒԹԵԱՆ ԿԱՍ ՎԱՐԴԱՎԱՌ)

ՅԻՍՈՒՍ ԶՐԻՍՈՍԻ ԱԿՏԱՐԱՆԸ ԸՍՏ ՄԱՏԹԵՈՍԻ 16.13-17.13

Ապա Յիսուս իր աշակերտներուն ըսաւ. «Եթէ մէկը ուզէ ինձի հետեւիլ՝ թող ուրանայ իր անձը, առնէ իր խաչը եւ ետեւէս գայ: Որովհետեւ ով, որ ուզէ իր անձը փրկել՝ պիտի կորսնցնէ զայն եւ ով, որ ինձի համար կորսնցնէ իր անձը՝ պիտի գտնէ զայն: Ի՞նչ օգուտ, երբ մէկը ամբողջ աշխարհը շահի, բայց իր կեանքը կորսնցնէ, որովհետեւ որեւէ բանով չի կրնար իր կեանքը ետ առնել: Արդարեւ, երբ մարդու Որդին գայ իր Հօր փառքով իր հրեշտակներուն հետ, իւրաքանչիւրին իր գործերուն համաձայն հատուցում պիտի կատարէ: Վստահ եղէք, որ հոս գտնուողներէն ոմանք պիտի չմեռնին՝ մինչեւ տեսնեն մարդու Որդին որ կու գայ իր թագաւորութեամբ»:

Վեց օր ետք, Յիսուս իր հետ առաւ Պետրոսը, Յակոբոս եւ Յովհաննէս եղբայրները եւ զանոնք բարձր լեռ մը հանեց, ուր առանձին էին: Հոն այլակերպեցաւ անոնց դիմաց: Իր դէմքը արեւու նման լուսաւոր դարձաւ եւ հագուստները լոյսի նման ճերմակ եղան: Եւ ահա երեցաւ Մովսէսն ու Եղիան, որոնք կը խօսէին Յիսուսի հետ:

Պետրոս ըսաւ Յիսուսի. «Տէ՛ր, ի՞նչ լաւ է հոս. եթէ կ'ուզես երեք վրաններ շինենք, մէկը քեզի, մէկը Մովսէսի եւ միւսը Եղիայի համար»: Մինչ Պետրոս կը խօսէր, ահա լուսաւոր ամպ մը ծածկեց զիրենք: Ամպին մէջէն ձայն մը լսուեցաւ, որ կ'ըսէր. «Այս է իմ սիրելի Որդիս որ հաւանեցայ: Անոր մտիկ ըրէք»: Երբ աշակերտները լսեցին ասիկա, սարսափահար երեսի վրայ գետին ինկան: Յիսուս մօտենալով՝ դպաւ անոնց եւ ըսաւ. «Ոտքի ելէք, մի՛ վախճաք»: Աշակերտները իրենց աչքերը վեր բարձրացուցին եւ Յիսուսէ զատ մարդ չտեսան:

Եւ մինչ լեռնէն վար կ'իջնէին, Յիսուս պատուիրեց անոնց, ըսելով. «Մինչեւ, որ մարդու Որդին մեռելներէն յարութիւն չառնէ, ձեր տեսածը ռեւէ մէկուն մի՛ պատմէք»: Այն ատեն աշակերտները հարցուցին Յիսուսի. «Հապա ինչո՞ւ Օրէնքի ուսուցիչները կ'ըսեն, թէ նախ Եղիան պէտք է գայ»:

Յիսուս պատասխանեց. «Ճի՛շդ է, Եղիան նախ գալով՝ պիտի պատրաստէ ամէն ինչ, բայց զիսցէք, որ Եղիան արդէն իսկ եկած է, սակայն մարդիկ զայն չճանչցան եւ անոր հետ վարուեցան ինչպէս որ ուզեցին: Նոյնպէս ալ մարդու Որդին պիտի չարչարուի անոնց կողմէ»: Այն ատեն աշակերտները հասկցան, թէ Յովհաննէս Մկրտիչի մասին կը խօսէր ան:

ՍՈՒՐԲԵՐ ԵՒ ՏՕՆԵՐ

ՏՕՆ ԱՅԼԱԿԵՐՊՈՒԹԵԱՆ ՎԱՐԴԱՎԱՌ



Վարդավառը ժողովրդական այն անունն է, որ կը տրուի Հայաստանեայց եկեղեցւոյ հինգ գլխաւոր տօներէն «Այլակերպութիւն» կոչուող տաղաւարին: Այս նոյն տօնին կը վերագրուի, նաեւ երրորդ կոչում մը, որն է «Պայծառակերպութիւն»:

Պայծառակերպութեան տօնը, ամէն Տէրունական տօներու նման, կը վերաբերի Յիսուսի կեանքէն յատուկ դրուագի մը՝ Անոր փառաւոր ու լուսաւոր կերպով երեւնալուն երեք առաքեալներուն՝ Պետրոսի, Յովհաննէսի եւ Յակոբոսի, Գալիլիոյ սուրբ լեռան վրայ: Ահա, թէ ինչ ձեւով կը ներկայացուի մեր Տիրոջ Յիսուս Քրիստոսի Այլակերպութեան դրուագը Մատթէոսի աւետարանին մէջ:--

«Վեց օր ետք, Յիսուս իր հետ առաւ Պետրոսը, Յակոբոս եւ Յովհաննէս եղբայրները եւ զանոնք բարձր լեռ մը հանեց, ուր առանձին էին:

Հոն այլակերպեցաւ անոնց դիմաց: Իր դէմքը արեւու նման լուսաւոր դարձաւ եւ հագուստները լոյսի նման ներմակ եղան:

Եւ ահա երեւցան Մովսէսն ու Եղիան, որոնք կը խօսէին Յիսուսի հետ: Պետրոս ըսաւ Յիսուսի.

– Տէ՛ր, ի՛նչ լաւ է հոս: Եթէ կ’ուզես, երեք վրաններ շինենք, մէկը քեզի, մէկը Մովսէսին եւ միւսը Եղիային համար:

Մինչ Պետրոս կը խօսէր, ահա լուսաւոր ամպ մը ծածկեց զիրենք: Ամպին մէջէն ձայն մը լսուեցաւ, որ կ’ըսէր.

– Այս է իմ սիրելի Որդիս, որուն ես հանեցայ, անոր մտիկ ըրէ՛ք» (Մտ. 17.1-6):

Վարդավառի կամ Այլակերպութեան տօնին վերաբերող ամենէն աւելի ժողովրդականութիւն ունեցող աւանդութիւնն է ջրախաղեր կատարելու աւանդութիւնը:

Կ’ըսուի, թէ Վարդավառի տօնակատարութեան ընթացքին մանուկներ, ծերեր, այրեր ու կիներ տուններու մէջ, փողոցները, դաշտերը, գետերու ափին, աղբիւրներուն եւ առուններուն մօտ կուժերով իրարու վրայ ջուր կը թափեն եւ զիրար ջուրերուն մէջ կը մխրեն: Այս աւանդութիւնը Նոյի ժամանակներէն մնացած է Հայաստան աշխարհի մէջ:

Աւանդապատում

Յարգելի Ընթերցող Տաղաւարաց տօնին մեր եկեղեցիներուն մէջ հոգեհանգիստ չի կատարուիր. անոր յաջորդող օրը Մեռելոց է:

Հ ՈԳԵՒՈՐ ՊԱՏ ԳԱՍ

ՇԱՐՈՒՆՎԿԵՆՔ ՄԵՐ ԱՂՕԹՔԸ ՆՈՅՆԻՍԿ ԵԹԷ ԼՈՒՌ Է ԱՍՏՈՒԱԾ

Մարիամ ըսաւ սպասաւորներուն. «Ինչ որ ըսէ ձեզի՝ կատարեցէք (Յե. 2.5)»: Յիսուսի պատասխանը ուղղուած իր մօրը. «Մա՛ յր, մեզի ինչ կրնայ թուիլ բացասական եւ այն տպաւորութիւնը տալ մեզի, որ ան պիտի չկատարէր իր մօրը խնդրանքը»: Մարիամ սակայն տեղի չտուաւ: Ան բացարձակ վստահութիւն ունէր իր Որդիին հնազանդութեան հանդէպ, ինչպէս նաեւ մարդասիրութեան հանդէպ: Յիսուս միշտ հնազանդ եղած էր իր մօրը (Ղկ 2.51): Ան միշտ սիրած էր մարդիկը եւ օգնած անոնց, եւ Մարիամ գիտէր այս մէկը: Հոն ուր կարիք կար՝ հոն էր Յիսուս: Մարիամ վստահ էր, որ իր մարդասէր Որդին անտարբեր պիտի չմնար հանդէս եկած կարիքին հանդէպ, ահա թէ ինչու սպասաւորներուն ըսաւ. «Ինչ որ ըսէ ձեզի՝ կատարեցէք»:

ՄԵՐ ՍՈՐՎԵԼ ԻՔ Հ ՈԳԵՒՈՐ ԴԱՍԸ

Այն պատասխանը, զոր Յիսուս տուաւ իր մօրը, եթէ մեզի տար՝ յուսահատ եւ յուսախաբ պիտի չըլլայի՞նք: Մարիամէն սորվինք շարունակել մատուցել մեր աղօթքն ու խնդրանքը նոյնիսկ երբ կը թուի, որ լուռ է Աստուած:

ԵԹԷ ԿԱՍ ԵՐԲ Կ՛ՈՒՉԵՍ...

ԲԱՐԵՊԱՇՏԸ ԼԵԶՈՒՆ ԿՐՆԱՅ ԶՍՊԵԼ

- 1.- Ան, որ գիտէ իր խօսքը կշռել՝ կատարեալ մարդ է, ինքզինքին իշխելու կարող: (Յակոբոս 3:2)
- 2.- Ով, որ ինքզինք բարեպաշտ կը սեպէ սակայն իր լեզուին սանձ չի դնէր, անիկա ինքզինք կը խաբէ, որովհետեւ անօգուտ է իր բարեպաշտութիւնը: (Յակոբոս 1:26)
- 3.- Որեւէ տղեղ խօսք չելլէ՛ ձեր բերանէն: Խօսեցէ՛ք միայն ինչ որ պէտք է, ինչ որ բարի է՝ ուրիշներուն հաւատքը ամրապնդելու համար, որ պէսզի լսողները Աստուծոյ շնորհքովը լեցուին: (Եփեսացիս 4:29)
- 4.- Շատ խօսքերուն մէջ յանցանք պակաս չէ, բայց իր շրթունքները զսպողը խելացի է: (Առակաց 10:19,20)
- 5.- Ո՛վ Տէ՛ր, պահապան դի՛ր իմ բերանիս, ու իմ շրթունքներուս դուռը պահպանէ՛: (Սաղմոս 141:3)
- 6.- «Ով, որ կ’ուզէ կեանքը սիրել եւ բարի օրեր տեսնել, թող իր լեզուն պահէ եւ չարութիւն չխօսի, թող իր շրթները փակէ եւ նենգութիւն չխորհի, թող չարէն հեռանայ եւ բարիք գործէ, թող խաղաղութիւն կամենայ եւ զայն հետապնդէ:

Որովհետեւ Տիրոջ աչքերը արդարներուն վրայ կը հսկեն եւ ականջները պատրաստ են անոնց աղօթքները լսելու:

(Ա. Պետրոսի 3:10-12)